

REXISTRO XERAL DA VALEDORA DO POBO
SANTIAGO DE COMPOSTELA

Data: 04/08/2021 9:52:50

SAIDA

12347/21

D. Miguel A. Delgado González, en representación da Plataforma en Defensa del Sector Marítimo Pesquero de Galicia (PLADESEMAPESGA)
prensa@pladesemapesga.com

Expediente **RSCTG 105/21**

Estimado Sr.:

Acuso a recepción do seu escrito que tivo entrada nesta institución o día 28 de xullo de 2021, de reclamación ante a Comisión de Transparencia de Galicia contra a desestimación por silencio administrativo da súa solicitude de acceso ante a Axencia de Protección da Legalidade Urbanística (APLU), ao expediente dunha vivenda situada na Praia de O Con no Fiunchal e en concreto, ás subvencións e axudas públicas recibidas dos anos 2011 a 2021 dende a Xunta de Galicia, actas e acordos con destino a obras, servizos, praias, rede de sumidoiros, depuradoras, fondos europeos, contas anuais e informes de auditoría de contas e de fiscalización, acordos e actuacións encargadas ao gabinete xurídico para autorizar as distintas actividades, informes de impacto ambiental, directivas europeas, de Costas, expedientes das infraccións á liña do litoral marítimo e resolucións para restaurar a legalidade sobre a referida vivenda, que deu lugar ao expediente **RSCTG 105/21**, ao que lle prego faga sempre referencia nos posteriores escritos que dirixa sobre este asunto, sendo o Secretario da Comisión da Transparencia, Santiago González Serrano, a quen se poderá dirixir para coñecer a situación e a valoración do seu expediente.

A fin de axilizar os trámites, e segundo o establecido no art. 22 da Lei 19/2013¹, poño á súa disposición un correo electrónico no que poderá remitir tanto a documentación, que se lle requira como a que considere necesaria para a tramitación do expediente (reclamacions@comisiondatransparencia.gal)

No caso de que o solicitara, remitiráselle unha copia do seu escrito na que figurará o rexistro de entrada na institución.

Con esta mesma data solicitarase á correspondente Administración a remisión de copia do expediente administrativo e emisión de informe sobre a reclamación presentada.

¹ Lei 19/2013, do 9 de decembro, de transparencia, acceso á información pública e bo goberno.

Indícolle que de conformidade coa disposición adicional primeira da Lei 19/2013, no caso de que exista unha normativa reguladora específica de acceso á información, será esta a que deba aplicarse a aqueles que teñan a condición de interesados nun procedemento administrativo en curso para a obtención dos documentos que se integren no mesmo, polo que no caso de que a administración indique a existencia dun procedemento administrativo específico procederase á inadmisión da reclamación presentada.

En relación á instrución do seu expediente indícolle que corresponde á Presidencia da comisión designar a persoa que elabora a proposta de resolución e elevar as propostas de resolución á Comisión. Igualmente, indícolle que a preparación do despacho dos asuntos e a dirección dos traballos administrativos da Comisión son funcións da Secretaría da Comisión².

Por último, indícolle que a resolución destes expedientes faise por estrita orde de entrada, e poderá vostede seguir as resolucións desta comisión no seguinte enderezo: https://www.comisiondatransparencia.gal/buscador_resoluciones/

Un atento saúdo,

Firmado digitalmente por MARÍA
JOSEFA PORTEIRO GARCIA -
35996629L
Fecha: 2021.08.04 09:47:42 +02'00'

María Xosé Porteiro García
Vicepresidenta da Comisión da Transparencia

² Regulamento interno da Comisión da Transparencia de Galicia publicado nos DOG nº 134, do 15 de xullo de 2016 e DOG nº 234, do 9 de decembro de 2016.

INFORMACIÓN BÁSICA SOBRE PROTECCIÓN DE DATOS PERSOAIS

Responsable do tratamento: Comisión de Transparencia de Galicia. **Encargado do tratamento:** Secretario da Comisión da Transparencia. **Finalidades do tratamento:** Rexistro e xestión de procedementos de reclamación ante a Comisión de Transparencia de Galicia. **Base xurídica:** Cumprimento dunha obriga legal. **Período de conservación dos datos:** indefinido. **Cesións de datos:** Aos suxeitos incluídos no ámbito de aplicación da Lei 1/2016, cando sexa necesario para a tramitación e resolución da reclamación. **Exercicio de dereitos:** As persoas interesadas poderán acceder, rectificar e suprimir os seus datos, así como exercitar outros dereitos a través do Rexistro do Valedor do Pobo (Rúa Hórreo 65, 15701, Santiago de Compostela) ou do correo electrónico transparencia@valedordopobo.gal. **Delegado de protección de datos:** santiago@valedordopobo.gal